



Na osnovu člana 6. Zakona o ublažavanju negativnih ekonomskih posljedica Srednjobosanskog kantona (Službene novine SBK broj: 7/20), Odluke Vlade SBK o usvajanju Programa korištenja sredstava sa kriterijima za ostvarivanje prava za prvi mjesec važenja Zakona o ublažavanju negativnih ekonomskih posljedica i dodjelu finansijskih sredstava, broj: 01-11.7-474/2020 od 10.07.2020.godine, Odluke Vlade SBK o usvajanju kriterija korištenja sredstava za ostvarivanje prava za dodjelu finansijskih sredstava broj: 01-11.7-473/2020 od 10. 07. 2020.godine, Ministarstvo privrede SBK raspisuje

**JAVNI POZIV
ZA DODJELU FINANSIJSKIH SREDSTAVA PRIVREDNIM DRUŠTVIMA KOJI NISU OSTVARILI
PRAVO NA SUBVENCIONIRANJE DIJELA MINIMALNE NETO PLATE ZA MJESEC APRIL
2020.GODINE PO RANIJIM JAVNIM POZIVIMA MINISTARSTVA PRIVREDE
SREDNJOBOSANSKOG KANTONA, A KOJI SU U APRILU 2020. GODINE IMALI PAD OD 20% I
VIŠE OSTVAREN OG PROMETA U ODNOSU NA ISTI MJESEC 2019. GODINE**

I PREDMET

Pozivaju se privredna društva (izuzev javnih preduzeća, fizičkih lica koja samostalno obavljaju registrovanu poslovnu djelatnost, banaka i drugih finansijskih organizacija, javnih institucija, organa uprave, organa i jedinica lokalne samouprave), koji nisu ostvarili pravo na subvencioniranje dijela minimalne neto plate za mjesec april 2020.godine po ranijim javnim pozivima Ministarstva privrede Srednjobosanskog kantona, a koji su u mjesecu aprilu 2020. godine imali pad od 20% i više ostvarenog prometa u odnosu na isti mjesec 2019. godine, da se prijave na Javni poziv kojim će ostvariti pravo na subvencioniranje dijela minimalne neto plate za mjesec april 2020. godine.

II PRAVO NA PODNOŠENJE PRIJAVE

(1) Pravo na podnošenje prijave imaju privredna društva koja imaju sjedište na području SBK ako ispunjavaju sljedeće uslove:

- a) da su imali pad 20% i više ostvarenog prometa u mjesecu za koji apliciraju u odnosu na isti mjesec 2019. godine (Napomena: Za utvrđivanje pada prometa/prihoda za obaveznike koji su registrovani nakon aprila 2019. godine, uzima se prosjek prometa/prihoda ostvarenog u 2019. godini ili prosjek prometa/prihoda za prva dva mjeseca 2020. godine za obveznike registrovane u 2020. godini);
- b) da su ispunili obaveze po osnovu javnih prihoda zaključno sa 29.02.2020. godine ili da imaju potpisan Sporazum o izmirenju obaveza;
- c) da nisu raskinuli ugovor o radu uposlenicima u periodu od proglašenja prirodne nesreće (18.03.2020.godine) do dana objave Javnog poziva, osim onim uposlenim kojima je istekao ugovor o radu ili koji su sporazumno prekinuli radni odnos;
- d) da imaju kod Porezne uprave F BiH prijavljene zaposlene za mjesec u kojem traže sufinansiranje minimalne neto plate za zaposlene;
- f) da nisu ostvarili prava po ranijim javnim pozivima Ministarstva privrede u 2020. godini (izuzev onih privrednih društava koji su ostvarili pravo za poslovne jedinice) i to:
- prvom Javnom pozivu pravnim i fizičkim licima sa pravnim subjektivitetom kojima je naredbama štabova civilne zaštite bio zabranjen rad broj: 01-11-186/20 od 05.05.2020. godine,

- drugom Javnom pozivu pravnim i fizičkim licima sa pravnim subjektivitetom kojima je naredbama štabova civilne zaštite bio zabranjen rad broj: 1-11-186-2/20 od 29.05.2020. godine,
- trećem Javnom pozivu za poslovne subjekte koji su u mjesecu aprilu 2020. godine imali pad 20% i više ostvarenog prometa u odnosu na isti mjesec 2019. godine od 22.07.2020. godine;
- četvrtom Javnom pozivu fizičkim licima registrovanim kod nadležnih općinskih organa koja su u 2020.godini imali pad od 20% i više ostvarenog prometa uzrokovan pandemijom Covid-19 u odnosu na isti mjesec 2019. godine broj: 05-15-1806/20 od 16.10.2020. godine.

(2) Pravo na podnošenje prijave nemaju:

- a) fizička lica koja samostalno obavljaju registrovanu poslovnu djelatnost, javna preduzeća, banke i druge finansijske organizacije, osiguravajuća društva, javne institucije, organi uprave, organi i jedinice lokalne samouprave;
- b) privredna društva čiji su žiro računi bili blokirani prije proglašenja stanja nesreće;
- c) privredna društva koja su pod stečajem ili likvidacijom;
- d) privredna društva koja su registrovana nakon 01.03.2020. godine.

III DOKUMENTACIJA

(1) Uz popunjen Zahtjev potrebno je priložiti sljedeću dokumentaciju:

- a) Rješenje o registraciji ovjereno od strane nadležnog organa.
- b) Uvjerenje o poreznoj registraciji – ID broj ovjeren od strane nadležnog organa.
- c) Mjesečni promet sa fiskalne kase za mjesec april 2019. i mjesec april 2020.godine, ili mjesečni promet sa fiskalne kase za uporedne mjesece u 2020. godini ukoliko je privredno društvo registrovano u 2020.godini ovjeren vlastitim pečatom.
- d) Specifikaciju uz isplatu plaće za uposlene (Obrazac 2001) za februar 2020.godine ovjerenu od strane Porezne uprave F BiH ili sa DLN brojem.
- e) Ugovor o radu i/ili sporazum o raskidu ugovora o radu (za radnike kojima je istekao ugovor radu ili koji su sporazumno prekinuli radni odnos) pojedinačno po radniku ovjerene vlastitim pečatom

(2) Zahtjev čini sastavni dio ove odluke i može se preuzeti elektronski na web stranici Vlade SBK www.sbk-ksb.gov.ba

IV NAČIN DOSTAVLJANJA PRIJAVE

(1) Ovjeren i potpisan Zahtjev dostavlja se Ministarstvu privrede SBK preporučenom poštom na adresu Ministarstva privrede SBK (Stanična 43, 72270 Travnik) sa naznakom: Prijava na Javni poziv za dodjelu finansijskih sredstava privrednim društvima koji nisu ostvarili pravo na subvencioniranje dijela minimalne neto plate za mjesec april 2020.godine po ranijim javnim pozivima Ministarstva privrede SBK, a koji su u aprilu 2020.godine imali pad od 20% i više ostvarenog prometa u odnosu na isti mjesec 2019.godine.

(2) Javni poziv je otvoren 7 dana od dana objave.

V KOMISIJA ZA RAZMATRANJE ZAHTJEVA

(1) Ministar Ministarstva privrede SBK privrede imenuje Komisiju koja razmatra primljene zahtjeva i sačinjava prijedlog odluke o dodjeli sredstava. (u daljem tekstu: Komisija).

(2) Komisija je dužna zadatak obaviti u roku od 15 dana od dana zatvaranja Javnog poziva.

(3) Komisija podnosi izvještaj o radu Ministru Ministarstva privrede s prijedlogom odluke o dodjeli sredstava.

(4) Prijedlog Odluke o dodjeli sredstava Ministar Ministarstva privrede SBK upućuje Vladi Srednjobosanskog kantona koja donosi Odluku o dodjeli sredstava.

(5) Sa korisnicima sredstava prema odluci iz stava (4) ovog člana Ministarstvo privrede SBK zaključit će ugovor sa svim korisnicima sredstava.

VI OSTALE ODREDBE

(1) Iznos sredstava koja će se dodjeljivati korisnicima zavisit će od raspoloživih sredstava u Budžetu Srednjobosanskog kantona.

(2) Podnosioci prijava na Javni poziv mogu uložiti Prigovor u roku od 8 (osam) dana od dana objavljivanja Liste na službenoj web stranici Vlade SBK.

(3) Ministarstvo privrede ne snosi troškove prema podnosiocima Zahtjeva, te zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.

(4) Sve dodatne informacije mogu se dobiti svakim radnim danom putem telefona broj: 030/ 511 -217 od 08,00 do 15,00 sati ili putem e-mail: minpriv@sbk-ksb.gov.ba

Broj: 05-03-14-2199/20

Travnik, 05.11.2020. godine

MINISTAR
Nisvet Hrnjić